



Na osnovu člana 113. stav 2. tačka 1. Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018), člana 42. Statuta Bošnjačkog nacionalnog vijeća u Republici Srbiji br. 54-12/2018 od 08.12.2018. godine i člana 12. stav 8. Pravilnika o načinu, kriterijumima i postupku dodjele sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica broj 891-12/2020 od 17.12.2020. godine, Izvršni odbor Vijeća na 43. sjednici održanoj dana 30.03.2021. godine, donosi

## **ODLUKU**

### **o dodjeli sredstava fizičkim i pravnim licima za finansiranje ili sufinansiranje projekata od opšteg interesa Bošnjaka**

#### **Član 1.**

Po raspisanom Javnom konkursu za dodjelu sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica za 2021. godinu broj 121-09/2021 od 05.02.2021. godine, finansiraće se, odnosno sufinansiraće se sljedeći projekti:

	<b>Podnosilac projekta</b>	<b>Naziv projekta</b>	<b>Oblast</b>	<b>Odobrena sredstva (u dinarima)</b>
1.	Lokal media plan	„Promocija nastave na bosanskom jeziku u Sandžaku“	Obrazovanje na bosanskom jeziku	110.000,00
2.	Ersan Muhović	„Digitalizacija bošnjačke književnosti i kulture“	Obrazovanje na bosanskom jeziku	150.000,00
3.	NVO „Svetionik“	„Akademija mladih lidera“	Obrazovanje na bosanskom jeziku	290.000,00

4.	Bošnjačka zajednica kulture Preporod	„Snimanje sadržaja bošnjačke kulture za potrebe nastave muzičke kulture na bosanskom jeziku u Srbiji“	Obrazovanje na bosanskom jeziku	240.000,00
5.	Udruženje građana Free medija Amela Bajrović	„Pričajmo priču“ – Priče za djecu na bosanskom jeziku	Obrazovanje na bosanskom jeziku	180.000,00
6.	Kulturno umjetničko društvo „Stambol	„Kultura je naš emanet“	Kultura Bošnjaka	150.000,00
7.	Damir Gruda AKOM	„The Sanjak of Novi Bazar“	Kultura Bošnjaka	240.000,00
8.	UNKUB Divanhana	„Tragovi u bojama“	Kultura Bošnjaka	114.000,00
9.	Amina Zemanović	„Arhivska građa Sandžaka“	Kultura Bošnjaka	280.000,00
10.	Šefka Begović -Ličina	„Nejmin krš“ – zbirka sandžačkih priča inspirisanih po istinitim događajima	Kultura Bošnjaka	100.000,00
11.	Sandžačko udruženje likovnih umjetnika SULU	„Izdavanje monografije Sandžačkog udruženja likovnih umjetnika“	Kultura Bošnjaka	105.000,00
12.	Ramiz Šaćirović	„Slast čekanja“	Kultura Bošnjaka	80.000,00
13.	Nesip Pepić	„Islamska epigrafika Sandžaka u svjetlu nišana“	Kultura Bošnjaka	150.000,00

14.	KUD „ISA – BEG“	„Video spotovi ilahija i kasida“	Kultura Bošnjaka	100.000,00
15.	Asim Nikšić	Izdavanje fotomonografije „Moj Pazar, moji ljudi i moje uspomene“	Kultura Bošnjaka	200.000,00
16.	Fatih Hadžić „Euro perspektiva“	„Sjećanje nije dim“	Kultura Bošnjaka	190.000,00
17.	Muzej „Ras“ Novi Pazar	„Mevlud u kulturi i tradiciji sandžačkih Bošnjaka“ – kroz historiju i danas	Kultura Bošnjaka	250.000,00
18.	Udruženje inženjera i tehničara Sandžaka	„Valorizacija i digitalizacija nepokretnog kulturnog naslijeđa Bošnjaka Sandžaka“	Kultura Bošnjaka	251.000,00
19.	Udruženje građana „Takt info“	„Festival kulturnog naslijeđa Bošnjaka“	Kultura Bošnjaka	200.000,00
20.	Radio sto plus/Beta Press	„Nišani – kulturna baština Sandžaka“	Kultura Bošnjaka	100.000,00
21.	Sead Mašović	„Bošnjak u Srbiji“	Službena upotreba jezika i pisma	280.000,00
22.	A1net	„Moje pravo na službenu upotrebu jezika i pisma“	Službena upotreba jezika i pisma	120.000,00

## Član 2.

Ova Odluka stupa na snagu danom donošenja.  
Odluka je konačna i protiv nje se ne može uložiti žalba Vijeću.

## Član 3.

Odluku objaviti na zvaničnog internet stranici i oglasnoj tabli Bošnjačkog nacionalnog vijeća u Republici Srbiji.

## OBRAZLOŽENJE

Bošnjačko nacionalno vijeće je 05.02.2021. godine raspisalo Javni konkurs za dodjelu sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica na osnovu Odluke o raspisivanju javnog konkursa broj 121-09/2021 od 03.02.2021. godine.

Konkurs je bio otvoren od 05.02.2021. godine do 21.02.2021. godine i na njega je pristiglo ukupno 52 prijave.

Bošnjačko nacionalno vijeće je Rješenjem broj 333-11/2021 od 11.03.2021. godine obrazovalo Komisiju za dodjelu sredstava fizičkim i pravnim licima za finansiranje ili sufinansiranje projekata od opšteg interesa Bošnjaka.

Komisija u sastavu dr. Amela Malićević – predsjednik, Selma Ikić, Amila Ćosović, Admir Smajović i Vahid Demirović je na osnovu kriterijuma navedenih u Javnom konkursu, a u skladu sa kriterijumima iz člana 11. Pravilnika o načinu, kriterijumima i postupku dodjele sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica broj 891-12/2021 od 17.12.2020. godine, nakon izvršenog detaljnog pregleda svih pristiglih prijava sačinila preliminarnu listu izabranih projekata i istu dostavila odborima Vijeća na davanje saglasnosti.

Po dobijenoj saglasnosti odbora, Komisija je Izvršnom odboru Vijeća dostavila Zapisnike (I, II, III i IV) sa obrazloženjima i Prijedlog odluke o izboru projekata, kojim su predloženi projekti za finansiranje odnosno sufinansiranje iz budžeta Vijeća.

Prijedlog Komisije je da se podrži 21 projekat od ukupno pristiglih 52 projekta na Konkurs, 5 iz oblasti Obrazovanja na bosanskom jeziku, 14 iz oblasti Kulture Bošnjaka i 2 iz oblasti Službena upotreba bosanskog jezika i pisma.

Ukupno 5 prijava nisu zadovoljile formalnu provjeru dokumentacije te iste nisu razmatrane i ocjenjivane, što je i konstatovano Zapisnicima sa sjednice Komisije.

Na osnovu Prijedloga odluke o izboru projekta i uvida u prispjele projekte, Izvršni odbor Vijeća je odlučio da podrži 22 projekata u predloženom iznosu, koji je od strane Komisije obrazložen u skladu sa kriterijumima navedenim u članu 11. Pravilnika o načinu, kriterijumima i postupku dodjele sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica.

U skladu sa navedenim kao i raspoloživim sredstvima opredjeljenim za te namjene u budžetu Bošnjačkog nacionalnog vijeća za 2021. godinu, odlučeno je kao u dispozitivu ove Odluke.

**U Novom Pazaru, dana 30.03.2021. godine**  
**Broj: 397-09/2021**

